

INUIT ATAQATIGIIT

Inatsisartuni



20.december 2018

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquteqaateqarpunga.

Naalakkersuisunut apeqqut:

- 1. Ujaqqat nunatsinneersut pinnerasaasiat ujaqqallu nunatsinneersut qiperukkat pillugit uppersaammik allagartaliisarneq pillugu nalunaarussiaq 2017-imeersoq aallaavigalugu, ujaqqat nunatsinneersut pinnerasaasiat ujaqqallu nunatsinneersut qiperukkat pillugit uppersaammik allagartaliisalernissaq Naalakkersuisut maannakkorpiaq isumaliutigivaat?**
- 2. Uppersaammik allagartaliisarneq aallartinneqarsinnaasuugaluarpat, nunatsinni ujaqqanik pinnerasaasiornermik inuussutissarsiuqarnermut ineriartorlualeersumut, Naalakkersuisut nukittorsaaqataasinnaasutut isigaat?**
- 3. Ujaqqat pinnerasaasiat nunatsinneersut pillugit uppersaammik allagartaliisarneq aallartinnissaanut, teknikkikkut taamatullu aningaasaqarniarnikkut maannakkut akimmisaarfissaqarpa?**
- 4. Annikitsunik aatsitassarsiorluni ingerlatsinerumut akuersissutinik tunineqarsimasut, uppersaammik allagartaliisarnissaq kissaatigaat?**
- 5. Ujaqqat nunatsinneersut pinnerasaasiat pillugit uppersaammik allagartaliisarneq aallartinneqarnissaa, ukiuni tulluittuni qaninnerni Naalakkersuisut piffissanngorsimassasoraat?**
- 6. Ujaqqat nunatsinneersut pinnerasaasiat ujaqqallu nunatsinneersut qiperukkat pillugit uppersaammik allagartaliisarneq pillugu nalunaarussiaq (2017), ujaqqat nunatsinneersut pinnerasaasiat pillugit uppersaammik allagartaliisarneq aallartinneqarneratigit aningaasartuutissatut missingersuut eqqaaneqarpoq, aqqissuussinerup aningaasaqarnikkut sunniutigiumaagassai pillugit missingersuut taanna Naalakkersuisut sulii aalajangiusimavaat?**

(Inatsisartuni ilaasortaq Peter Olsen, Inuit Ataqatigiit)

Tungavilersuut:

Nunatsinni aningaasarsiornikkut ineriartortitsuarnissaq sukku tamatigit anguniartuartariaqarparput. Ilaqutiginnaasavut suullunniit sukku tamatigit atorluarniartuartariaqarlugit. Ujaqqanik pinnerasaasiornerup iluani aamma taamaappoq. Ujaqqanik pinnerasaasiassanik piaaneq – tunisassiorneq nunatsinni nutaajuvoq, taamaattorli ukiuni kingullerni annertusiartulersimalluni.

Ujaqqat pinneraasiassat nunatsinni piiarneqarsimasut, aningaasatigut iluaqutigilluarneruler-
nissaat anguniartuartariaqarparput. Taamaattorli aamma pisisartut nunatta avataaneersut
piumasaqaataannik innarliinaveersaarnissaq aamma pingaaruteqarluinnarpoq.

Taamaattumik tamanna pillugu Naalakkersuisunut apeqquteqaatiga taama tunngavilersorlugu
ingerlateqqippara.

Qinnutigissavara apeqquteqaatima ullut suliffiusut qulit iluanni akineqarumaartut.